

Oqaasiliortut ataatsimiinnerat

Sisamangorneq, juunip 28-anni 2012, nal. 10.00
Oqaasileriffiup ataatsimiittarfiani.

Peqataasut: *Carl Chr. Olsen, Eva Møller Thomassen, Stephen Heilmann, Lotte Holm aamma Katti Frederiksen.*

Allatsi: *Katti Frederiksen*

Oqaluuserisassatut siunnersuutit:

1. Tikilluaqqusineq aamma ilisimatitsissutit
Siulittaasup ilisimatitsissutigaa Naalakkersuisoq Mimi Karlsen oqaatsit pillugit naalakkersuisoqatiminut isumasioqatigiissitsiniartog. Tassunga atatillugu Islandimiu Vigdis aamma Audur qaaqquneqarsimapput pisinnaanerminnillu nalunaarsimallutik. CCO aamma Ane Marie Sakariassen Arktisk Rådip Ottawami oqaatsit pillugu suliniut ukiuni tallimani suliarineqartussaag pillugu workshopertitsinerani peqataapput. Tamanna ICC-p siuttuuffigisaa Canadap USA-llu aningaasaliiffigisimagaat ilisimatitsissutigineqarpoq. Pingaarnertut eqqartorneqartut makkuupput:
 - oqaatsinut politik
 - oqaatsit nalilersuiffiginerat
 - oqaasertusaaneq aamma oqaatsinik ilikkartarneq.

Tamatuma saniatigut ilisimatitsissutigineqarpoq spillemydighedimiit aningaasanoornerni malittarisassat pillugit inatsisit kalaallisunngortinneqassanersut apeqqutigineqarsimanerat.

2. Kingullermik ataatsimiinnermit imaqarniliap akuerineqarnera Naqinnerliukkat aaqinneqarmata imaqarniliaq taamaatillugu akuerineqarpoq.
3. Oqaatsinut politikkip ilassutissaanut allannguutit pillugit tusarniaaneq.
Oqaatsinut politikki pillugu Inatsisartut inatsisaata nr. 7, 19. maj 2010-meersup allannguutissaatut siunnersuutip februaarip 7-ianni tusarniaassutigineqaaqqartup *allanngortinneqarluni* tusarniaassutigineqaaqqinnerani Oqaasiliortut oqaaseqaataat Naalakkersuisoqarfimmut apuunneqarput.
Oqaaseqaataat bilagitut quppernemi kingullerni ilanngunneqarput.
4. Oqaasilerinermi taaguutit
Oqaasiliortut taaguutinik assigiinngitsunik oqallitingaatsiareerlutik aalajangerpaat taaguutit tamarmik oqaasilerisunit, tassalu Oqaasileriffimmi atorfeqartunit, suliarineqarlutik piareersaasiorneqassasut Oqaasiliortunut akuerineqariaannangorlugit.

5. Saaffiginnissutit

a. Unammiarneq aamma unammiartorneq

Akissusiorneqareersimammat qaangiinnarneqarpoq.

b. Pamersaaneq pædagogikkimut

Saaffiginnissut imaqarpoq pamersaanerup pædagogikkimut ator neqarsinnaanerani. Oqaasiliortut akissutigaaat pædagogikkimut aamma oqaaseq perorsaaneq atormat, pamersaanerup Ava nersuarmitut sumiorpaluutaasup isumaqatigalugu. pædagogit perorsaasunik taagorneqareerput aammalu tassunga ilin niartut perorsaasunngornianik taaneqartarlutik.

c. Qaammatit taaguutaat, kisitseriaaseq aamma qilaatip taaguutai.

Siulitta naggueqatittalumi qaammatit aalajangersimasumik immikkut taaguuteqartinngilaat; sumiiffik, inooriaaseq pinngortitalu qanoq ilinerat malittaralugit ilaatigut taaguisarsimapput.

Upernaaq, aasaq, ukiaq ukioq taakkua kisimik naammassimapput, taakkualu ingerlanerini qanoq pisoqartarnera malillugu aamma taaguisoqartarsisoq paasinarpoq, soorlu Alaskami Inuppiat ilaasa sumiiffimmini Aggusti tinnigivimmik taasarsimavaat timmissanut (tunngatillugu), septembari sikuarfik, oktober sikkuik aamma nuliarfik (tuttunnet), novembarilu nippivik/qiññuvik tassa oqaluttuaqattaattarnerit aallartiffiat il.il. Tassa inooriaatsip qanoq ittuunerani qaammatit ilaatigut oqaluttuartsuuserput.

Naggueqatigiit Inuit kisitseriaasiat 20-mut killeqarpoq, aqqaneq-tallimat (15) tikikkaanni taava 16=arfersanillit, 17=arfersanillit ataaseq, 18=arfersanillit marluk, 19=arfersanillit pingasut, 20=inuk naallugu. tassannganniit ingerlaqqittoqarsinnaavoq, ass. 21=inuk naallugu ataaserlu, 30=inuk naallugu qulillu il.il.

Qilaatip taaguutaasa ilaat pingaernerit tassapput isaa, nannut aar-rilluunniit aqajaruanik suliarineqartartoq, tigummivia qisuk/nassuk/saaneq, katualu qisuminiunngikkaangami saaniusar-toq.

d. Det Psykosociale Kriseberedskab kalaallisut:

Tarnikkut ajornartoormi upalungaarsimasut
(kingusinnerusukut allanngortinneqarpoq: Pinartoqartillugu upalungaarsimasut)

e. Inussat taaguutaat

Akissusiorneqareerpoq, ataatsimullu taaguutaat erseqqissaatigiinnarlugit: assap inuaanik aamma isikkat inuaanik immikkoorsinneqartarmata.

Inussiarnersumik inuulluaqqusilluta
Carl Chr. Olsen
Siulittaasoq

Katti Frederiksen
Allatsi

Bilag 1

Ataatsimut oqaaseqaat

Oqaasiliortut siulittaasuminnit paasitinneqarnertik naapertorlugu; tassalu Nunatsinni oqartussaaffiit tigusimasat iluini taamaallaat inatsip tusarniaassutigineqartup atuuttussaananeraniq tunngaveqartumik inatsisitigut pituttuisumik isumaqatigiissusiornermi oqaatsit pillugit piunasaqaatip peerneqarsimanera uggorigaluarlugu aamma isumaqatiginartinngikkaluarlugu, taamaattoq Danmarkip oqartussaaffigisaasa iluaniittut sunnerneqarsinnaannginnginnerisa maanna killiffigisatsinnik erseqqissaassuteqarnerattut paasivaat. Taamaammat pissutsit taamaattut paasillugit inatsisissatut siunnersuutip oqaasertai kisiisa naqqiissuteqarfigaat.

Qulaani taaneqartut tunngavigalugit tusarniaanermi inatsisissatut nassiunneqartoq (Sagsnr. 2012-065985) Oqaasiliortut ima naqqiissuteqarfigiumavaat:

Siunnersuut: Oqaatsinut politikki pillugu Inatsisartut inatsisaata allanngortinneqarnissaa pillugu Inatsisartut inatsisaat nr. xx, xx.xxxx 2012-meersoq (Kalaallit oqaasii atorlugit attaveqatigiinnermik piunasaqaatip ilanngunneqarnera).

§ 1

Oqaatsinut politikki pillugu Inatsisartut inatsisaat nr. 7, 19. maj 2010-meersoq pillugu imatut allannguisoqassaaq:

1. Kapitali 2-mi § 3 sioqqullugu immikkoortoq nutaatut inissinneqassaaq:

“Tamanut atuuttumik oqaatsinik atuneq”

Tamatuma kingorna qulequtaq *“Oqaatsinut politikki”* peerneqarpoq.

2. § 4-p kingornanut immikkoortutut nutaatut inissinneqassaaq:

“Nittarsaassinermi allagartalersuinermilu oqaatsit atorneqarnissaat

§ 4a. Suliffeqarfiit pisortatullu oqartussaasut allakkatigut oqaatsitigullu ussassaarutaat, pilerisaarutaat allagartalersuisarnerallu kalaallisut suliarineqartassapput. Imm. siulleq Kalaallit Nunaanni oqartussaaitanun naalagaaffimmut attuumassuteqartunut atuutinngilaq.

Imm. 2. Imm.1-mut tapertatut atorineqarsinnaapput danskit, tuluit allamiullu allat oqaasii.

Imm. 3. Ussassaarinertut pilerisaarinertullu paasineqassapput suliffeqarfiit pisortatullu oqartussaasut nioqqutissanik aamma kiffartuussissutinik sullissinernillu tuniniaanerata aamma pilerisaarineq tamanut atuuttoq. Aalajangersakkanut ilaatinneqanngillat nioqqutissat avataanit eqqussat allagartaat, pisiat atornissaannut ilitersuutit, oqaasinaat, suliffeqarfiit aqqi assigisaallu.

Imm. 4. Allagartalersuinertut paasineqassapput tamanut atuuttumik allagartalersuineq, saqqumisumik allagartalersuineq, allagarsiiviit, ussassaarutit, allagartarsuit takoqqusaarutit assigisaallu, tassunga ilagitillugit digitalimik allagartalersuineq umerussat seqersittaatillu atorlugit ingerlaartitat.”

3. § 4a-p kingornanut immikkoortutut nutaatut inissinneqassaaq:

“Innuttaasunut atuisunullu allakkatigut saaffiginnissutit

§ 4b. Ingerlatsisunit namminersortunit, pisortatut oqartussaasunit suliffeqarfinnullu innuttaasunut allakkatigut saaffiginnissutit tamarmik kalaallisut allassimassapput. Imm. siulleq Kalaallit Nunaanni oqartussaaitanun naalagaaffimmut attuumassuteqartunut atuutinngilaq.

Imm. 2 Imm. 1-ili atuutissanngilaq innuttaasup erseqqissumik nalunaarpagu danskit oqaasiinik atuniarnini. Taamatut nalunaarneq pisortatut oqartussaasunut suliffeqarfinnullu pituttuisuuvoq, taakkua aamma tamatumani aningaasartuutit nammatassaraat.

Imm. 3. Suliffeqarfiit pisortatullu oqartussaasut nalinginnaasumik paasissutissiinerat aammalu qaammarsaanerat kalaallisut suliarineqassapput. Danskit oqaasii tapertatut atorineqarsinnaapput.”

4. § 7 imatut oqaasertaqalissaaq:

”§ 4, imm. 1 aamma 3, § 4a, imm. 1 aamma § 4b, imm. 1 aamma 3 unioqqutinneqarneranni akiliisitaasussanngortitsisoqarsinnaavoq.”

Imm. 3. Inatsisartut inatsisaat manna malillugu akiliisussanngortitsisoqarpat aningaasat nunap karsianut nakkartinneqassapput.”

§ 2

Inatsit januaarip 1.-anni 2013 atuutilerpoq.

Namminersorlutik Oqartussat, ulloq xx.xx.2013

Kuupik Kleist

/

Mimi Karlsen

Naqqiissutigineqartut ilaatigut makkuupput:

Danskisut pkt. 1 kalaallisut allassimanera aaqqinneqarpoq imaalerluni:
imm. 1.

Virksomheder aamma allanngortinneqarpoq *suliffeqarfinnik* allaqqalerluni
taanna ataatsimut taaguutaammat, namminersortuuppata pisortalluunniit
ingerlatarippatsigik.

Oqaasiliortut sinnerlugit
inussiarnersumik inuulluaqqusilluta

Carl Chr.Olsen
Oqaasiliortuni siulittaasoq

Katti Frederiksen
Allatsi